



বাংলাদেশ টেলিযোগাযোগ নিয়ন্ত্রণ কমিশন

প্লট#ই-৫/এ, আগারগাঁও প্রশাসনিক এলাকা, শের-ই-বাংলা নগর, ঢাকা।

www.btrc.gov.bd



প্রেস বিজ্ঞপ্তি

বিটিআরসিতে টেলিযোগাযোগ লাইসেন্স ও বিদ্যমান নেটওয়ার্ক টপোলজি সংস্কার বিষয়ক কর্মশালা অনুষ্ঠিত

ঢাকা, ২৩ ফেব্রুয়ারি, ২০২৫

টেলিযোগাযোগ খাতের নেটওয়ার্ক ও লাইসেন্সিং কাঠামো সংস্কারের অংশ হিসেবে বিদ্যমান লাইসেন্সধারীদের মতামত গ্রহণের লক্ষ্যে দিনব্যাপী পরামর্শমূলক কর্মশালার আয়োজন করেছে বাংলাদেশ টেলিযোগাযোগ নিয়ন্ত্রণ কমিশন (বিটিআরসি)। রবিবার সকালে রাজধানীর আগারগাঁওস্থ বিটিআরসি ভবনে অনুষ্ঠিত উক্ত কর্মশালার সভাপতিত্ব করেন বিটিআরসির ইঞ্জিনিয়ারিং এন্ড অপারেশন্স বিভাগের কমিশনার ব্রিগেডিয়ার জেনারেল ইকবাল আহমেদ।

কর্মশালায় বাংলাদেশ ব্যাংক, ন্যাশনাল টেলিকম মনিটরিং সেন্টার (এনটিএমসি), আর্মড ফোর্সেস ডিভিশন, টেলিযোগাযোগ অধিদপ্তর, বাংলাদেশ সামরিক ক্যাবলস লিমিটেড, বাংলাদেশ স্যাটেলাইট কোম্পানি লিমিটেড, বাংলাদেশ টেলিকমিউনিকেশন কোম্পানি লিমিটেড (বিটিসিএল), মোবাইল অপারেটর, ইন্টারনেট সার্ভিস প্রোভাইডার্স, আজিডব্লিউ অপারেটরস ফোরাম অব বাংলাদেশ, অ্যাসোসিয়েশন অব আইসিএক্স অপারেটরস বাংলাদেশ, টাওয়ার কোম্পানি, ন্যাশনওয়াইড টেলিকম ট্রান্সমিশন নেটওয়ার্ক (এনটিটিএন), ইন্টারকানেকশন এক্সচেঞ্জ (আইসিএক্স), ইন্টারন্যাশনাল ইন্টারনেট গেটওয়ে (আইআইজি), ন্যাশনাল ইন্টারনেট এক্সচেঞ্জ, টাওয়ার অপারেটর, বাংলাদেশ অ্যাসোসিয়েশন অব কল সেন্টার অ্যান্ড আউটসোর্সিং (বাক্স) এর প্রতিনিধিবৃন্দসহ বুয়েট, এমআইএসটি, নর্থ-সাউথ, ব্র্যাক ইত্যাদি বিশ্ববিদ্যালয়ের টেলিযোগাযোগ ও তথ্যপ্রযুক্তি বিশেষজ্ঞ উপস্থিত ছিলেন।

স্বাগত বক্তব্যে বিটিআরসির ইঞ্জিনিয়ারিং এন্ড অপারেশন্স বিভাগের কমিশনার ব্রিগেডিয়ার জেনারেল ইকবাল আহমেদ বলেন, টেলিযোগাযোগ খাতের বিদ্যমান লাইসেন্স ও নেটওয়ার্ক কাঠামো খুবই জটিল, তাই এমন একটি নেটওয়ার্ক কাঠামো ডিজাইন করা দরকার যেখানে ডিজিটাল সেবাধানকারী প্রতিষ্ঠানসমূহ সহজভাবে তাদের সেবা প্রদানের পাশাপাশি নতুন নতুন প্রযুক্তির সাথে খাপ খাইয়ে নিতে পারে। নতুন নেটওয়ার্ক কাঠামো বৈষম্যহীন, স্বচ্ছ, সহজলভ্য, ন্যূনতম মানদণ্ড নির্ধারণ এবং বহুমাত্রিক সেবা প্রদানের সুযোগ থাকবে উল্লেখ করে তিনি বলেন, নতুন সংস্কারে আন্তর্জাতিক সর্বোত্তম অনুশীলন ও দেশের বিদ্যমান বাস্তবতাকে বিবেচনায় নেওয়া হবে।

কর্মশালার অংশগ্রহণকারীরা চারটি দলে বিভক্ত হয়ে নিম্নোক্ত চারটি বিষয়ে চ্যালেঞ্জ ও সুপারিশমালা উপস্থাপন করেন: (১) বিদ্যমান নেটওয়ার্ক কাঠামো সংস্কার (Network Topology) (২) গ্রাহক পর্যায়ে সেবা প্রদান সংক্রান্ত (Access /retail service Providers) (৩) জাতীয় কানেক্টিভিটি সেবা প্রদান সংক্রান্ত (National Connectivity Service Providers) (৪) আন্তর্জাতিক কানেক্টিভিটি সেবা প্রদান সংক্রান্ত (International Connectivity Service Providers)।

গ্রুপ-১ এর আলোচনায় নেটওয়ার্ক টপোলজির ক্ষেত্রে বিনিয়োগকারীকে উৎসাহ প্রদান, সার্ভিস নিরপেক্ষতা, একটিভ শেয়ারিং, ফাইভজি গাইডলাইন প্রণয়ন, মানসম্মত সেবা নিশ্চিত, লাইসেন্সিদের জবাবদিহিতা, এবং উন্মুক্ত বাজার প্রতিযোগিতা বিষয়টি উল্লেখ করা হয়। কমিশনের স্পেকট্রাম বিভাগের কমিশনার জনাব মাহমুদ হোসেন এর সঞ্চালনায় এতে মোবাইল অপারেটরস, এনটিটিএন, আইসিএক্স, আইআইজি, এমএনপি, আইএসপি, আইটিসি, টাওয়ার কোম্পানি, টেলিযোগাযোগ অধিদপ্তর, বাংলাদেশ ব্যাংক, স্যাটেলাইট কোম্পানির প্রতিনিধি ও টেলিযোগাযোগ বিশেষজ্ঞ অংশগ্রহণ করেন।

গ্রুপ-০২ (দুই) আলোচনায় গ্রাহক পর্যায়ে সেবার ধরণ নিয়ে আলোচনা হয়। এতে সার্ভিস লাইসেন্স থেকে তরঙ্গ লাইসেন্স আলাদা রাখা, লাইসেন্স উন্মুক্ত রাখা, ওটিটি ও ডিজিটাল ফিন্যান্সিয়াল সার্ভিস, প্রযুক্তি নিরপেক্ষতা প্রদান, সুস্থ বাজার প্রতিযোগিতা, ফাইভ-জি সেবা প্রদানে ফিল্ড ও মোবাইল সার্ভিস লাইসেন্সকে একীভূত করা, প্রযুক্তির ক্ষেত্রে প্রতিবন্ধকতা দূরীকরণ ও স্থানীয় শিল্পকে সুরক্ষা বিষয়টি উল্লেখ করা হয়। স্পেকট্রাম বিভাগের পরিচালক ড. সোহেল রানার সঞ্চালনায় এতে মোবাইল অপারেটর, পিএসটিএন অপারেটর, আইএসপি অপারেটর, বাংলাদেশ কলসেন্টার অ্যাসোসিয়েশন, স্যাটেলাইট কোম্পানি লিমিটেড, বাংলাদেশ আর্মি, টেলিযোগাযোগ অধিদপ্তর, ন্যাশনাল টেলিকমিউনিকেশন মনিটরিং সেন্টার এর প্রতিনিধিগণ উপস্থিত ছিলেন।

গ্রুপ-০৩ এর আলোচনায় জাতীয় পর্যায়ে কানেক্টিভিটির ক্ষেত্রে কারিগরী ও আর্থিক সক্ষমতা, এনটিটিএন, টাওয়ারকো ও আইসিএক্স অপারেটরদের লাইসেন্স সংখ্যা, সেবার ধরণ অনুযায়ী উন্মুক্ত লাইসেন্স ও উন্মুক্ত বাজার পদ্ধতি চালুর বিষয় উপস্থাপন করা হয়। কমিশনের সিস্টেমস্ এন্ড সার্ভিসেস বিভাগের মহাপরিচালক ব্রিগেডিয়ার জেনারেল মো: খলিল উর রহমান এর সঞ্চালনায় এতে এনটিটিএন অপারেটর, মোবাইল অপারেটর, আইসিএক্স, টাওয়ার কোম্পানি, বিটিসিএল, নিক্স, এমএনপি, আইএসপি ও টেলিযোগাযোগ বিশেষজ্ঞগণ অংশগ্রহণ করেন।

গ্রুপ-০৪ এর আলোচনায় ইন্টারন্যাশনাল কানেক্টিভিটি সেবার লাইসেন্স প্রাপ্তির ক্ষেত্রে স্বল্পমেয়াদী ও দীর্ঘমেয়াদী বিনিয়োগকে বিবেচনায় নেওয়া, স্থানীয় বিনিয়োগ ও কর্মসংস্থানকে প্রাধান্য দেওয়া, সরকারি ও বেসরকারি লাইসেন্সিদের ক্ষেত্রে সুষ্ঠু প্রতিযোগিতা নিশ্চিতকরণ এবং কাউকে অনায্য সুযোগ না দেওয়ার বিষয়টি উঠে আসে। আলোচনায় অংশগ্রহণ করেন আইটিসি, আইআইজি, আইজিডব্লিউ ও মোবাইল অপারেটর, বিটিসিএল, স্যাটেলাইট কোম্পানির প্রতিনিধিগণ ও বিশেষজ্ঞগণ অংশগ্রহণ করেন। গ্রুপ আলোচনা সঞ্চালনা করেন কমিশনের সিস্টেমস্ এন্ড সার্ভিসেস বিভাগের পরিচালক লেঃ কর্নেল রাশেদুজ্জামান।

- ১। মহাপরিচালক, বাংলাদেশ টেলিভিশন।
দৃষ্টি আকর্ষণ: উপ-মহাপরিচালক (বার্তা)
- ২। প্রধান বার্তা সম্পাদক, দৈনিক সংবাদপত্রসমূহ; ঢাকা।
- ৩। হেড অব নিউজ/চিফ রিপোর্টার/ অ্যাসাইনমেন্ট এডিটর;
বার্তাসংস্থা/টেলিভিশন চ্যানেল/ রেডিও স্টেশন, ঢাকা।

অনুলিপি: সদয় অবগতির জন্য

- ১। সচিব, বিটিআরসি।
- ২। চেয়ারম্যান মহোদয়ের একান্ত সচিব (ইহা মহোদয়ের সদয় অবগতির জন্য), বিটিআরসি।
- ৩। অফিস কপি।

অনুরোধক্রমে


২৩/০২/২৫
মো: জাকির হোসেন খান
উপ-পরিচালক (মিডিয়া), বিটিআরসি।
মোবাইল: ০১৫৫২২০২৮৪০
E-mail:
zakirkhan@btrc.gov.bd